

U periodu od 10.05 do 12.05. naše volonterke su prisustvovala trodnevnom seminaru na temu "Ženska ljudska prava" kojeg je organizovala Fondacija CURE iz Sarajeva u sklopu projekta "Nova generacija aktivistkinja i feministkinja". Cilj ovog seminara je osnaživanje mladih žena i djevojaka o ženskim ljudskim pravima kroz rad na pitanju sopstvene edukacije. Program je dizajniran za lični rast polaznica, koji osigurava individualno učenje kao i rad u timu, te siguran prostor u kojem svaka prima podršku, potiče kreativnost i originalnost svake učesnice. Kao uvod u diskusiju o problemu položaja žena, polaznice seminara su imale priliku pogledati filmove "Elizabet", "Muharema" i "V-day - Dok nasilje ne prestane". Predavačice Vedrana i Hatidža su prisutne upoznali sa ciljevima inicijative "Oživljavanje ženskog pokreta u BiH", rodnom jednakosti kroz pravni okvir te odgovorno ponašanje u medija u odnosu na rodnu jednakost.
Fondacija CURE je nastala iz potrebe da se mijenjaju stavovi bh. društva u odnosu na nasilje protiv žena kako bi nasilje koje se dnevno događa konačno postalo nezamislivo, nedopustivo za svakog građanina i svaku građanku. Još 2004. godine počele su rad kao skupina volonterki i realizirale kalendar globalne kampanje 16 dana aktivizma protiv nasilja na osnovu roda i/ili spola. Već 2005. godine su registrirane u feminističku aktivističku fondaciju pod nazivom CURE, a značenje ove riječi i na engleskom jeziku (lijek, iscjeljenje) usvajaju kao dio svog stava da feminizam iscjeljuje i osnažuje individue, zajednice, društva. Aktivistice-pokretačice inicijative za CURE feminističku zajednicu radile su u grupama za ženska ljudska prava u BiH i regiji skoro dekadu. Proces koji su se vodili za poboljšanje života žena u to vrijeme su uglavnom imale fokus na ekonomsku i socijalnu, psihološku pomoć ženama, ali je fokus uglavnom bio i na žene kao žrtve. Kao jedno od glavnih političkih uporišta Fondacije CURE stoji feminizam i politička angažovanost građanstva.
Dugoročna vizija Fondacije CURE jeste otvoriti Multimedijalni Edukativno Resursni Centar za djevojke i žene BiH, Centar koji će biti otvoren za sve osobe znateljne učiti (sebe i/ili druge) o feminizmima, feminističkom pokretu u BiH, angažiranoj umjetnosti, ekologiji, slobodnom softwaru, volonterizmu i angažmanu u lokalnoj zajednici, i drugo. Ovaj je centar mjesto koje zamišljaju kao ostvarenje sna da se cjelokupan rad ženskih i feminističkih grupa iz BiH i regije okupe na jedno mjesto susreta, da postanu edukativni i inspirativni predlozi učenja i rasta feminističke zajednice u našoj državi.

